

VERCELLÆ Ptol. ibid. vulgò etiam *Vercelli*. * Ex ejus Episcopis *Limenius* subscripsit Concilio Aquileiensi sub Damaso, *Iustianus* Epistolæ Eusebii Mediolanensis ad Leonem Papam, & *Emilianus* tertiæ Synodo Romanæ sub Symmacho.

NOVARIA Plin. lib. 3. c. 17. vulgò *Novara*. *Simplicius* hujus Episcopus subscripsit Epistolæ Eusebii Mediolanensis ad Leonem Papam.

TICINUM Ptol. lib. 3. c. 1. vulgò *Pavia*. *Crispinus* hujus Episcopus subscripsit eidem Epistolæ, necnon *Maximus* tertiæ Synodo Romanæ sub Symmacho.

LAUS POMPEIA Plin. lib. 3. c. 17. vulgò *Lodi*. *Basilianus* hujus Episcopus subscripsit Concilio Aquileiensi sub Damaso, & *Cyriacus* supradictæ Epistolæ Eusebii Mediolanensis ad Leonem Papam.

CREMONA Æthico in Cosmographia, nomen retinet. *Joannes* hujus Episcopus subscripsit eidem Epistolæ Eusebii, & *Eustatbius* Synodis tertiæ & sextæ Romanis sub Symmacho.

BRIXIA Straboni lib. 5. vulgò *Brescia*. Ex ejus Episcopis *Ursacius* subscripsit Concilio Sardicensi, *Philaster* Concilio Aquileiensi sub Damaso, & *Octavianus* supradictæ Eusebii Epistolæ.

BERGOMUM Ptolem. lib. 3. c. 1. vulgò *Bergamo*. *Præstantius* hujus civitatis Episcopus subscripsit eidem Epistolæ, necnon *Laurentius* tertiæ Synodo Romanæ sub Symmacho.

** COMUM Straboni lib. 5. vulgò *Como*. *Abundantius* hujus Episcopus subscripsit supradictæ Epistolæ Eusebii.

A L P E S C O T T I Æ.

AUGUSTA TAURINORUM Ptolem. lib. 3. cap. 1. vulgò *Turino*. Ex ejus Episcopis † *Maximus* subscripsit Concilio Aquileiensi sub Damaso, & *Tigradius* Synodis tertiæ & sextæ Romanis sub Symmacho.

ASTA Ptol. ibid. vulgò *Asti*. *Pastor* hujus Episcopus subscripsit Epistolæ Eusebii, & *Majorianus* Concilio Romano sub Hilario.

DETRONA Antonino in Itinerario, vulgò *Tortona*. Ex ejus Episcopis *Exuperantius* subscripsit Concilio Aquileiensi sub Damaso, *Quintus* Epistolæ supradictæ Eusebii, & *Saturninus* primæ Synodo Romanæ sub Symmacho.

†† ALBA POMPEIA Plin. lib. 3. c. 5. hodie etiam *Alba* dicitur. *Lampadius* hujus Episcopus subscripsit primæ Synodo Romanæ sub Symmacho.

AQUÆ STATIELLÆ, Straboni lib. 5. vulgò *Acqui*. Hujus civitatis Episcopus *Valentinus* subscripsit Epistolæ Eusebii Mediolanensis ad Leonem Papam.

ALBINGAUNUM Melæ lib. 2. c. 4. vulgò *Albenga*. Ex ejus Episcopis *Quintus* subscripsit eidem Epistolæ Eusebii, & *Gaudentius* Concilio Romano sub Hilario.

VIGINTIMILIUM Antonino in Itinerario, vulgò *Vintimiglia*. Civitas Episcopalis antiqua quibusdam creditur, sed ejus Episcopum non reperi ante *Joannem*, qui legitur in Epistola Concilii Romani sub Agathone.

BOBIUM Paulo Diaco. lib. 4. cap. 43. hodie *Bobì* & *Bobio*. *Laurentius* hujus Episcopus subscripsit Concilio Romano quinto sub Symmacho.

GENUA Antonino in Itinerario, vulgò *Genova*. *Diogenes* hujus Episcopus sub-

H 3

N O T Æ.

* Ex ejus Episcopis] Eusebius celeberrimus est &c. LUCAS HOLSTENIUS.

** Comum] pertinet ad Aquileiensem Metropolim. LUCAS HOLSTENIUS.

† Maximus &c. sub Damaso] Et alius Maxi-

mus Epistolæ Eusebii Mediolan. ad Leonem. LUCAS HOLSTENIUS.

†† Alba Pompeia &c.] Benedictus Synodo Romanæ sub Agathone Papa, sed in edit. græco-latina Conciliorum in Synodo VI. Constantinopolitana Act. 4. malè editur Valvensis. LUCAS HOLSTENIUS.